

PRIVILEGIUM CÆSAREUM.

CAROLUS SEXTUS Divinâ favente
Clementiâ Electus Romanorum Imperator semper Augustus, ac Germaniæ, Hispaniarum, Hungariæ, Bohemiæ, Dalmatiæ, Croatiaë, Sclavoniæ &c. Rex, Archi-Dux Austriæ, Dux Burgundiæ, Styriæ, Carinthiæ, Carniolæ, & Württembergæ, Comes Tyrolis. Agnoscimus, & notum facimus tenore præsentium universis. Quòd cum nobis Nostri Sacriq̃ue Romani Imperii fideles dilecti Pharmocopæi Civitatis hujus Nostræ Viennæ summè exposuerint, ob multas, medicamenta tam composita, quàm Chymica parandi, varietates, quibus mens, & praxis Medici, non nisi confundi, & in dubitandi periculum, erroremq̃ue abduci potuisset, jam dudum se sollicitos fuisse, ut certa, stabilis, rataq̃ue statueretur regula, ad quam se omnis parandorum medicaminum ratio conformare possit, huncq̃ue in finem opus quoddam Pharmacologicum ab ipsis longo tempore, & industria congestum sub Titulo: *Dispensatorium Pharmaceuticum Viennense*, annexa cum Taxa, secundis denuò typis evulgare constituisse: Vereri autem, nè Æmulorum invidiâ hanc Editionem imitantium, laboris, & impendii sui fructu destituantur, eaq̃ue propter supplices rogâsse, ut non tantùm hac in parte suæ indemnitati Privilegiò Nostrò Cæsareò consulere, sed dictum quoque Dispensatorium Pharmaceuticum ab omnibus in Terris Nostris Cæsareo-Austriacis Pharmacopæis aliisque in arte Peritis pro norma & regula absolutè respiciendum, habendumq̃ue decernere clementissimè dignaremur; Nos submissis pariter ac æquis prædictorum Pharmacopæorum precibus benignè

nigè

nignè annuentes , eisdem memoratum Opus , ex quo à Facultate Medica Viennensi perlustratum , & approbatum , atque à Nobis aliàs jam facultate imprimendi , ac dividendi munitum , nec non & pro norma parandi Medicamenta ab omnibus Pharmacopæis deinceps observandum , habendumque decretum fuerat , petatum Privilegium Nostrum Cæsareum ad Viginti Annos clementer impertiti fuerimus ; Ac proinde Authoritate Nostra Cæsarea omnibus & singulis Bibliopolis , Bibliopæis , Typographis , & aliis quibuscunque rem librariam seu negotiationem exercentibus firmiter inhihemus , vetamus , & interdici-mus , nè quis supranominatum Dispensatorium Pharmaceuticum Viennense sub hoc vel simili , aut alio quopiam typo , caractere , vel forma , sive in toto , sive in parte , mutatove titulo , vel in aliam linguam translatum , per viginti annorum spatium ab hodierno die computandum intrà Sacri Romani Imperii , Regnorumque , & Dominiorum Nostrorum hæreditariorum fines recudere , vel aliis recudendum dare , aliorumve impressum apportare , vendere , vel distrahere , citra præfatorum supplicantium ac successorum voluntatem , & assensum inscriptis obtentum ausit , vel præsumat , si quis verò secus faciendo Privilegium hoc Nostrum seu Interdictum violare , contemnereque præsumpserit , cum non solum ejusmodi Exemplaribus ubicunque locorum repertis , perperam quippe recusis , seu approbatis (quæ dicti Pharmacopæi Viennenses sive propria authoritate , sive Magistratus illius loci auxilio sibi vindicare poterint) defacto privandum , sed & quinque marcarum auri puri pœna Ærario seu Fisco Nostrò Cæsareo , & Parti læsæ ex æquo pendenda , omni spe veniæ sublatâ multandum decernimus , dummodo tenor hujus Nostrî Privilegii in fronte libri impressi reperiatur , & consueta quinque Exemplaria Arcanæ Nostræ Cancellariæ Imperiali Aulicæ exhibeantur.

exhibeantur. Mandamus itaque omnibus & singulis nostris, & Sacri Imperii Regnorumque & Dominiorum Nostrorum Hæreditariorum subditis, & fidelibus dilectis tam Ecclesiasticis, quàm sæcularibus, cujuscunque statûs, gradûs, dignitatis, aut Ordinis fuerint, præsertim verò iis, qui in Magistratu existentes, vel suo, vel superiorum suorum locò ejus, justitiamque administrant, nè quemquam Privilegium hoc Nostrum Cæsareum violare, spernere, aut transgredi patiantur: Sed si quos contumaces compererint constitutâ à Nobis multâ eos puniri, & quibuscunque modis idoneis coërceri curent, quatenûs & ipsi gravissimam Nostram indignationem & prædictam pœnam evitare voluerint. Harum testimonio litterarum Manu Nostrâ subscriptarum, & sigilli Nostrî Cæsarei appensione munitarum, quæ dabantur in Civitate Nostra Vienna die decimâ octavâ Martii Annò Millesimò septingentesimò trigessimò septimò, Regnorum Nostrorum Romani vigesimò sextò, Hispanicorum trigessimò quartò, Hungarici, & Bohemici pariter vigesimò sextò.

CAROLUS.

(L.S.)

Vt. Jo. Ad. Comes de Metsch.

Ad Mandatum Sacræ Cæsareæ
Majest. proprium.

M. H. De Ley.

AD